

Message Eleven
Lungna oen Angna dawngah Aka Hing Pathen Cathli

Teeham Caciim. . Efe 1:5,9. 5:1-14. 1John 4:8,16.1:5

I. Pathen kah a ngaikhuekna tah thlaang oen pumkhat la awm ham oen thlaang te bawk ham Pathen paihuen ah nawh tih, hingna oen cooengna dawngah Bawipa oen a vai u hamla ni - Efe 1:5,9.

II. Pathen cathli la mami lawng Pathen teng kalawng cuunla ng'awm u tih, Pathen hingna oen acooengna te n'dang coengah, Pathen kah timu oen aka tuhkai Pathen-thlaangthli la ng'awm u - 1John 3:1. John 1:12-13.

- A. Pathen tah mami kah aka soeng Pa la awm tih, mami tah Bawipa kah aka soeng cathli la ng'awm u - 1John 3:1. Efe 5:1.
- B. Lai oen vaan khawhii pum ah aka boukoek kawpoek rai thaihu tah thlaanghing cooengna thli lawng Pathen rangoen cuun la ng'awm u thai tih, thawlh cathli lawngah Pathen cathli la acooengna teni - 1John 3:1,9. 4:7. 5:1,4,18. John 1:12-13.
- C. Teang kaw poekrai Pathenben kah cuunna kalawng ah patoeng mami lawng mami cooengna khuila tuh la aka awm Pathen ben kah timu la Pathen hingna, dungzan hingna te n'dang u - 1John 1:2. 3:9.
- D. Mami tah Pathen hingna oenah cuun la ng'awm u tih, Pathen hing nate n'khueh u dawngah, Pathen cathli la aka awm mami tah Pathenben kah thlaanghing thli la ng'awm u - 5:11-13 3:1, 10.
- E. Pathen lawng cuun la aka awm thlaangthli la mami dawngah Pathen hingna bueng muehla, Pathen cooengna tekhaw n'khueh u - 2Pit 1:4.
- F. Mami tah Pathen hingna oen Pathen cooengna aka khueh Pathen cathli la ng'awm u dawngah mami tah Pathen te aka cang thlaang thli la ng'awm u - Efe 5:1.
- G. Pa kah hingna oen cooengna aka khueh Pa kah cathli la aka awm mami lawng mami kah Pa lawng asoep angla soepna n'khueh u thai - Mathai 5:48.

III. Mami lawng lungna oen angna la Pathen te m'mingciim u tih n'huhtawng khanca u hamla a nge - 1John 4:8,16. 1:5.

- A. Lungna oen angna tah atangtang ah Pathen amah roela awm. Tethli tetah Pathen kah cooengna, Bawipa kah arilh la awm - 4:8. 1:5.
- B. Johan capat patkhatna dawngah Pathen tah angna la a awmna (athan 5) oen tecoenah Pathen tah lungna la awm tite avan thui - 4:8,16.
- C. Pathen kah a rilh kah apouhliip cooengnala kaawm, lungna tetah areen lungvatna kah akungcuekla awm tih, Pathen a tuuengna kah apouhliip cooeng nala ka awm angna tetah awltak kah akungcuek la awm.
- D. Pathen ben kah lungna lawng mami tengla avan pha vengah tetah areen lungvatna la va awm tih, Pathen ben kah angna lawng tah mami sawah angthuela a awm vengah tetah awltak la va coeng.

IV. Pathen cathli la aka awm mami tah lungna oen angna dawngah khaw ng'kaan u hamla awm - Efe 5:2, 8.

- A. Areen lungvatna oen awltak hetah 4:17-32 dawng kah akungsut pouhliipna thli la a awm dawngah, lungna oen angna hetah 5:1-33 dawngah n'huh u Pawl kah thapeekna kah akungsut pouhliipna thli la awm.
 1. Areen lungvatna tah lungna kah a tuuengna la awm tih, lungna tetah areen lungvatna kah akungcuek la awm. Awltak tah angna kah awngna la awm tih, angna tetah awltak kah kung a tawngna la awm - 1John 4:8. 1:5.

2. Lungna tah Pathen kah khuiben pouhclip nala awm tih, angna tah Pathen kah atuuengna pouhclip cooengnala awm. Pathen kah khuiben lungna tetah n'huhtawng khanca u thai tih, Pathen kah dauben angna tetah n'huh u thai la awm.
 3. Pathen cathli la ka awm mami kah hinrooek hing khawkaanna lawng Pathen kah lungna-pouhclipna oen Pathen kah aka vaang-pouhclip cooengna pahih bawk oen tuhkai tawmbenna a awm ham ni. Tetah mami ng'hing khawkaanna kah khuiben akungcuek la a awm ham ni.
 4. Lungna oen angna dawngah hing khawkaanna tah awltak angla oen areen lungvatna oen n'hing u nalak ah duung tare tih, thinkaw neemna tare a khueh.
- B. "Khrih lawng mami n'lungna tih, Pathen haaiah bawtui riim a awm thaina hamla, amah oen amah te pe u tih, nawn la a awm coengah, mami hamla a peek u angla, nangmi lawng lungna dawng ah khawkaan u lah" - Efe 5:2.
1. Lungna dawng khawkaan ham tihe tah Pathen oen haibeenna dawngah khawkaan ham teni - thuinuet, 1John 3:1.
 - a. Pa Pathen kah amikhaai ah mami lawng lungna atuueng nala ka awm areen lungvatna te ng'awmngaih u bueng muehla a lungna tekhawseh ng'awmngaih u.
 - b. Mami kah hinrooek hing khawkaan na dawngah mami lawng Pa kah aka neem lungna dawngah haibeen ruila n'hing u dawngah mami lawng Pa kah khanca nate n'khuituuk u poepa hamla awm.
 2. Efesa cabuciim kah kawltung tah Pathen kah khuiben pouhclipna la ka awm lungna khuila mami te maawt hamla ni. Teahni mami lawng Pathen ben lungna kah adidiipna dawngah Bawipa kah amikhaai te n'awmngaih u thai vetih, tetila Khrih lawng a sai angla thlaangtloe thli te n'lungna u thai ai - 5:25.
 - a. Lungna kah apaihuen oen a huenmawl dawngah mami lawng Pathen haaiah ciimla awm ham oen thawlh cawtbou kap nawh ham Pathen oen betoetla n'zulpuem u - 1:4.
 - b. Sakna hamla rooengna oen tunglingna a awm hamla mami lawng zung n'thlaak u lungna tetah, atakla ka awm alawngim dawngah mami lawng n'zakming u tih n'huhtawng khanca u Pathen ben lungna la awm - 3:17.
 - c. Khrih a mah la ka awm Khrih kah lungna tetah tahthai la awm nawh, mingna lawng pha nawh, tede mami lawng n'huhtawng khanca na rang oe m'ming u thai - athan 19.
 - d. Khrih dawng aka awm Pathen kah lungna dawngah mami lawng awltak te n'tuuk khak u, tetah Khrih oen Bawipa kah a Takpum te tuukkhak nala awm - 4:15.
 - e. Khrih Takpum lawng mah oen mah te lungna dawngah sakla awm. Lungna tah Khrih Takpum sakna hamla mami thaihu khatkhatla awm ham oen khatkhat sai hamla awlpui aka then koek lawngpui la awm - athan 16. 1Kor 12:31.
 - f. Samphaihna awm ouhla Bawipa te lungna ti hetah suen thaina dawngah, Efesa cabu dawngah tuuengsak la ka awm samphaihna aka khueh nawh thaihu thli boeih angla Bawipa te lungna ham ti athuingaih nani - Efe 6:24.
 3. Pathen tah "lungna" la a awm dawngah, Pathen kah timu la awm hamla cuunkoep la ka awm Pathen cathli la ka awm mami tah "lungna"la n'awm u ham ni. Mami tah hingna oen cooengna dawngah Pathen la n'awm u dawng ah mami khawseh "lungna"la n'awm u ham ni - 1John 4:8.
- C. "Lamha vengah nangmi tah zinna smangting la na awm u. Tahe atah Bawipa dawngah "angna"la na awm u poen. Tedawngah angna kah cathli angla hing khawkaan u lah" - Efe 5:8.
1. Pathen tah "angna" la a awm dawngah, Pathen cathli la ka awm mami tah angna kah cathli la ng'awm u - 1John 1:5. Efe 5:8. John 12:36.
 2. Mami tah angna kah cathli la ng'awm u bueng muehla - mami rooe lawng "angna" la ng'awm u. Mami lawng Bawipa dawng ah Pathen oen pumkhat la ng'awm u dawngah mami tah "angna"la ng'awm u - Math 5:14. 1John 1:5.

3. Mami lawng angna dawng n'awm u vengah, mami tah asoeng oen asoeng nawhna kah adauben huenmawl dawngah ng'awm u - athan 7.
4. Mami tah angna kah cathli angla n'hing u maikawinlh, Efe 5:9 dawng atuuengsak angla a thaih n'thaih u ai.
 - a. Angna kah a thaih lawngtah acooengna dawngah then tih, a cehna a lawngpui dooeng, atuuengna dawngah soeng. Tetila Pathen tah mami kah hinrooek hing khawkaanna kah asoengna la tuuengsak thaila va awm ai.
 - b. Angna kah a thaih lawngah thenna, doengna oen awltak dawng awmna tetah thumkhat Pathen oen tuhkai u.
 - (1) Athen nala Pa Pathen tah angna kah a thaih cooengna la awm. Tedawngah athan 9 dawngah ka awm athen natah Pa Pathen te a thuinuet - Math 19:17.
 - (2) Dooengna tah Capa Pathen te a thuinuet. Metitiah Khrih lawng Pathen kah doongna lawngpui angla Pathen kah a poekna te soepsak hamla a law dawngah ni - Rom 5:17-18, 21.
 - (3) Angna kah a thaih tuuengna la ka awm awltak lawng atah Muithla Ciim Pathen te a thuinuet. Tudawngah ti atah Bawipa tah soengna kah Muithla Ciim la awm - John 14:17, 16:13.
 - c. Angna kah cathli la ka awm mami lawng n'hing pui "sausi" te teang a thaih thaihna dawngah n'huh u.